

15 OCT 1997

TIMBALAN PERDANA MENTERI AUSTRALIA ADAKAN LAWATAN LIMA HARI

KUALA LUMPUR, 15 Okt (Bernama) -- Timbalan Perdana Menteri Tim Fischer akan mengadakan lawatan lima hari ke Malaysia bermula esok.

Semasa di sini, Fischer, yang juga Menteri Perdagangan Australia akan mengunjungi Perdana Menteri Datuk Seri Dr Mahathir Mohamad dan rakan sejawatannya Datuk Seri Anwar Ibrahim.

Beliau juga akan mewakili Australia pada penandatanganan perjanjian perdagangan dengan Malaysia yang akan diwakili Menteri Perdagangan Antarabangsa dan Industri Datuk Seri Rafidah Aziz.

Beliau juga akan menghadiri jamuan malam majlis perniagaan Malaysia-Australia dan merasmikan Pameran Pendidikan Australia di Pusat Dagangan Dunia Putra pada Jumaat.

Lawatan itu akan juga membawa Fischer ke Pulau Pinang dan dijadual diberi taklimat oleh Perbadanan Pembangunan Pulau Pinang pada Sabtu. --  
BERNAMA

ARA RON